

**Uunga siunnersuut: Uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit Inatsisartut inatsisaat nr. xx, ulloq xx. xxx 2016-imeersoq  
(Inuussutissarsiornermut, Suliffeqarnermut Niuernermit Nunanullu Allanut Naalakkersuisoq)**

**Akissuteqaat**

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

**Aappassaaneerneqarnera**

Naalakkersuisut matumuuna Uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit Inatsisartut inatsisaata allanngortinneqarnissaanut atatillugu siunnersuutip aappassaaneerneqalernerani oqaatigissavaat nuannaarutigalugu siunnersuutip tapersorsorneqarnera.

Naalakkersuisullu ilanngullugu Inuussutissarsiornermut Ataatsimiititaliaq qutsavigissavaat isumaliutissiissutaat suliarilluagaasoq pillugu, ataatsimiititali allu isumaqatigiilluni siunnersuutip akuersissutigineqarnissaanik inassuteqaataa pillugu.

Siunnersuutip siunertaraa qularnaassallugu Namminersorlutik Oqartussat nunatsinnit pisunik uumassusillit sananeqaataasigut kingornuttagaasunik isumalluutit iluaquteqarnermit naammaginartumik pisuussutit nalingannit pisuussutinillu ilisimalikkanik pissarseqataasalermissaat, aamma aningaasarsiornikkut allatigullu iluaqutissarsianut tunngatillugu, nunatsinnit pisunik uumassusillit sananeqaataasigut kingornuttagaasunik isumalluutit iluaquteqarnermut atatillugu.

Taamatut oqaaseqarlunnga Naalakkersuisut sinnerlugit siunnersuut Inatsisartunut suliassanngortippara.